

- प्रधानमंत्री नरेन्द्र मोदी चित्तौड़गढ़ मांय सात हजार करोड़ रुपया री विकास परियोजनावां रो शुभारंभ कर्यो- कह्यो इण सु बुनियादी ढांचे, सम्पर्क अर शिक्षा मांथे बदलाव रो प्रभाव पड़ेला।
- प्रधानमंत्री कह्यो कि प्रदेश मांय भाजपा सरकार आवण पर जनहित री कोई भी योजना ने नी रोक्यो जावेला- भ्रष्टाचारियां माथे व्हेला कड़ी कार्रवाई।
- देश आज महात्मा गांधी अर पैल्या आळा प्रधानमंत्री लाल बहादुर शास्त्री ने वाणी जयंती माथे श्रिद्धापूर्वक याद कर् रह्यो है।
- चीन मांय खेल्या जा रिया एशियाई खेलां भारत 3 कांस्य तमगां भेर जीत्या- तमगा री कुल संख्या हुई 56 व्ही।

000

प्रधानमंत्री नरेन्द्र मोदी राजस्थान रा चित्तौड़गढ़ मांय लगे टके सात हजार करोड़ रुपये री न्यारी-न्यारी विकास परियोजनावां राष्ट्र ने समर्पित करी अर वाणी आधारशिला राखी। प्रधानमंत्री मेहसाणा-भटिंडा-गुरदासपुर गैस पाइपलाइन रो लोकार्पण कर्यो, जिण ने लगे-टके चार हजार पांच सौ करोड़ रुपयां री लागत सु बणायो गयो है। प्रधानमंत्री जकी रेलवे परियोजनावां ने देश ने समर्पित कर्यो वाण मांय चित्तौड़गढ़-नीमच रेलवे लाइन अर कोटा-चित्तौड़गढ़ विद्युतीकृत रेलवे लाइन रे दोहरीकरण सु जुड़ी परियोजनावां भेळी हैं। प्रधानमंत्री स्वदेश दर्शन योजना रे तैत नाथद्वारा मांय पर्यटन व्याख्या सह-सांस्कृतिक केन्द्र अर न्यारा-न्यारा दूजा विकास कामां रो लोकार्पण कर्यो। विकसित पर्यटन सुविधावां रो भी लोकार्पण कर्यो। कार्यक्रम मांय बोलता थंका प्रधानमंत्री कह्यो की, चित्तौड़गढ़ सु सरू करी जा री परियोजनावां रो राजस्थान रे बुनियादी ढांचे, कनेक्टिविटी अर शिक्षा मांथे बदलाव रो प्रभाव पड़ेला अर आम जणा रो जीवन ओर भी आसान व्हेला।

प्रधानमंत्री कह्यो कि पिछड़े इलाकों रो विकास वाणी सरकार री प्राथमिकता री है। सरकार देश रा आकांक्षी जिलां ने चुण्यो है, जठे विकास काम कर्या जा रिया है। राजस्थान रा कई जिलां ने भी इण योजना रे तैत विकसित कर्यो जा रह्यो है। सरकार इण योजना मांय एक कदम आगे बढ़ायो है। श्री मोदी कह्यो कि वंचितां ने प्राथमिकता देणे रे लकस सु सरकार वाइब्रेंट विलेज कार्यक्रम भी सरू कर्यो है, जिण रे तैत सीमावर्ती गांवां रो विकास कर्यो जा रियो है।

प्रधानमंत्री नरेन्द्र मोदी चित्तौड़गढ़ मांय जनसभा मांय बोलता थका कह्यो प्रदेश मांय भाजपा सरकार आणे पर कोई भी जनहित योजना ने रोक्यो नहीं जावेला, वे जारी रेवेली पण राजस्थान री जकी योजनावां मांय भ्रष्टाचार व्हेयो है बाणे खिलाफ कार्यवाही करी जावेली। श्री मोदी कानून व्यवस्था अर भ्रष्टाचार ने लेर प्रदेश सरकार माथे जमर निशानो साध्यो।

राजसमंद जिले रा नाथद्वारा में चौबीस करोड़ रुपये री लागत सु कृष्णा सर्किट योजना रे तैत व्हीया विकास कामा ने लेर सांसद दीया कुमारी प्रधानमंत्री रो आभार जतायो। वणा कह्यो की इन योजना रे सरू होणे सु ओ खेतर देश रा दूजा धार्मिक केन्द्रां सु आपई जुड गयो है।

राष्ट्र आज राष्ट्रपिता महात्मा गांधी ने वाणी जयंती माथे याद कर रह्यो है। नुवी नई दिल्ली रा राजघाट थापित बापू री समाधि मांथे सर्वधर्म प्रार्थना सभा राखी जी। राष्ट्रपति द्रौपदी मुर्मू अर प्रधानमंत्री नरेंद्र मोदी राजघाट माथे महात्मा गांधी ने पुष्पांजलि अर्पित करी।

बठिने प्रदेश मांय भी गांधी जयंती रे मौके सर्वधर्म प्रार्थना सभावां अर न्यारा-न्यारा कार्यक्रम राख्या जा रह्या हैं। राज्यपाल कलराज मिश्र राजभवन मांय राष्ट्रपिता महात्मा गांधी अर लाल बहादुर शास्त्री री जयंती माथे भावभीनी श्रिद्धांजलि अर्पित करी। श्री मिश्र बाणे जीवन सु प्रेरणा लेवता थंका जन जन ने सांच, अहिंसा अर न्याय रे साथे ईमानदारी सु राष्ट्र रे प्रति कर्तव्य निभाणे रो हेलो कर्यो है। जयपुर थापित प्रदेश कांग्रेस कमेटी कार्यालय मांय सर्वधर्म सभा राखीजी, जिण मांय मुख्यमंत्री अशोक गहलोत शिरकत करी।

मुख्यमंत्री अशोक गहलोत शासन सचिवालय अर गांधी सर्किल थापित बापू री मूर्ति माथे श्रिद्धासुमन अर्पित कर्या। शासन सचिवालय मांय राष्ट्रपिता महात्मा गांधी री मूर्ति रे कने प्रार्थना सभा राखीजी।

कोटा मांय गांधी जयंती मांथे जिला स्थरीये कार्यक्रम चम्बल गार्डन मांय राख्यो ग्यो। इण मौके माथे लोगां वाने श्रिद्धांजलि अर्पित करी। बापू रा प्रिय भजनां अर रामधुन री प्रस्तुतियां व्ही। राजस्थान राज्य क्रीडा परिसर कानी सु सदभावना दौड़ राखीजी। टोंक जिला मांय गांधी जयंती मांथे केई कार्यक्रम राख्या ग्या। देवली उपखण्ड मुख्यालय मांथे केई संस्थावां कानी सु स्वच्छता अभियान चलायो ग्यो। बूंदी जिलां मांय ग्राम पंचायत मुख्यालयां माथे गांधी जयंती रे मौके प्रार्थना सभावां राखीजी। शहर रा नॉलेज पार्क मांय राख्या गया जळसां मांय बेहतरिन अभियान अर स्वच्छ भारत मिशन मांय सराहनीय काम करणे वाळा लोगा ने जिला स्वच्छता तमगा देर सम्मानित कर्यो ग्यो। जिला मुख्यालय मांथे राखीजी सदभावना दौड़ मांय घणी संख्या मांय लोग भेळा व्हेया। सीकर मांय कलेक्ट्रेट परिसर मांय गांधी री मूर्ति मांथे माळा चढार श्रिद्धांजलि दी। बारां मांय जिला कलेक्ट्रेट परिसर मांय श्रिद्धांजलि सभा राखीजी।

बांसवाडा जिलां कारागार मांय कैदियां महात्मा गांधी री जयंती मनाई। डूंगरपुर मांय इण मौके माथे प्रभातफेरी निकाली जी अर न्यारा-न्यारा कार्यक्रम राखीज्या। अलवर मांय वन्यजीव सप्ताह रे दूजे दिन गांधी जयन्ती रे मौके माथे 'ग्रीन सरिस्का क्लीन सरिस्का' री थीम माथे स्वच्छता अर जागरूकता अभियान चलायो ग्यो। इण मांय स्कूली छात्र-छात्रावां ग्रामीणां अर बॉर्डर होमगार्ड साथे घणी संख्या मांय लोग भेळा व्हेया। झुन्झुनू, दौसा, सवाईमाधोपुर, भीलवाड़ा, झालावाड़, नागौर, करौली अर चूरू साथे केई जिलां मांय भी गांधी जयंती माथे न्यारा-न्यारा कार्यक्रम राखी ज्या।

000

भरतपुर मांय आज गांधी जयंती रे मौके विश्व प्रिय शास्त्री पार्क मांय 125 फीट ऊंचे राष्ट्रीय झंडे रो लोकापर्ण कर्यो ग्यो। इण मौके मांथे पर्यटन अर नागरिक उड्डयन मंत्री विश्वेंद्र सिंह अर तकनीकी शिक्षा राज्य मंत्री सुभाष गर्ग रिया। कार्यक्रम मांय महात्मा गांधी अर पैल्यां आळा प्रधानमंत्री लाल बहादुर शास्त्री ने फूल चढार वाने श्रिद्धापूर्वक याद कर्यो। महात्मा गांधी री जयंती माथे गांधी पार्क मांय भी सर्वधर्म प्रार्थना सभा राखीजी।

000

देश आज पैल्यां आळा प्रधानमंत्री लाल बहादुर शास्त्री ने भी वाणी जयंती माथे याद कर रियो है। प्रधानमंत्री नरेन्द्र मोदी आपरे संदेश मांय कह्यो की लाल बहादुर शास्त्री री सादगी, राष्ट्र रे प्रति समर्पण अर जय जवान, जय किसान रो हेलो आज भी आवण वाळी पीढियां ने प्रेरित करे है। विदेश मंत्री एस जयशंकर सोशल मीडिया पोस्ट मांय कह्यो है कि लाल बहादुर शास्त्री रा साहस, सेवा अर सादगी ने हमेशा याद कर्यो जावेला। राज्यपाल कलराज मिश्र लाल बहादुर शास्त्री री जयंती मांथे वाने श्रिद्धापूर्वक याद कर्यो। पैल्यां आळा प्रधानमंत्री लाल बहादुर शास्त्री री जयंती रे मौके माथे प्रदेश मांय केई कार्यक्रम राख्या जा रिया है। टोंक मांय लोगा शास्त्री ने श्रिद्धांजलि अर्पित कर र वाणे बतायो मारग मांथे चाळणे

रो संकल्प लियो। सीकर अर बारां मांय जिला कलेक्ट्रेट परिसर मांय लाल बहादुर शास्त्री ने श्रिद्धाजलि दी अर बोलण आळा वक्ता बाणे जीवन चरित्र मांथे प्रकाश डाल्यो।

000

चीन के हांगझाऊ मांय 19 वां एशियाई खेळा मांय आज भारत तीन ओर कांस्य पदक जीत लियां हैं। पदक तालिका मांय भारत 13 सोना, 21 चांदी अर 22 कांसा तमगां रे साथे कुल 56 तमगां लेकर चौथी ठौड मांथे बणयोडो है। स्पीड स्केटिंग मांय पैलो हले भारतीय महिला टीम कांसे रो तमगो जीत्यो, ई पाछे पुरुष टीम भी कांसे रो तमगो आपरे नाम कर्यो। इण रे पाछे टेबल टेनिस रा महिला डबल्स मांय भी कांसे रो तमगो पांती आयो।

000

केंद्रीय खेल मंत्री अनुराग सिंह ठाकुर आज नुवी दल्ली मांय निशानेबाजी, नौकायन, टेनिस अर वुशु एशियाई खेलां रा 24 तमगां सु जीतण वाळा ने सम्मानित कर्यो। इण मौके मांथे बोलता थंका श्री ठाकुर एशियाई खेलां मांय चौखे प्रदर्शन खातिर एथलीटां पे बधाई दी। वणा कह्यो कि पदक विजेता देश ने घणो मान दिलायो अर वाणी कडी मेहनत अर जतन एक उभरती खेल महाशक्ति रा रूप मांय देश रो गौरव बढ़ायो है। श्री ठाकुर कह्यो कि खेलो इंडिया वांछित परिणाम ला रियो है क्योंकि खेलां रा माध्यम सु आगे आवण वाळा केई खिलाड़ी अंतरराष्ट्रीय खेल आयोजनां मांय तमगा जीत रिया है।

000

स्वच्छता ने केन्द्र मांय राखर पूरी स्वच्छता रे मुजब केन्द्र सरकार कार्यालयां मांय स्वच्छता अर लंबित मामलां ने कम करणे रे साथे एक विशेष अभियान रो तीजो चरण आज सु सरू व्हेग्यो है। राष्ट्रपिता महात्मा गांधी री जयंती रे मौके माथे सरू व्हेयो ओ खास अभियान इण म्हीने री 31 तारीख ताई जारी रवेला। ओ अभियान लारले दो बरसा मांय चलाया गया खास अभियानां री आगली कडी है।

000

कलराज मिश्र

राज्यपाल कलराज मिश्र ने संविधान रे तहत देईजी शक्तियों रो उपयोग करता थंका आज पंद्रहवीं राजस्थान विधानसभा रा आठवां अधिवेशन रो सत्रावसान कर दियो है।

000

प्रदेश सरकार प्रदेश रा चिकित्सा संस्थावां मांय विकास कामा खातिर 300 करोड़ रुपयां री अलग सु वित्तीय प्रावधान री मंजूरी दी है। इण रकम सु चिकित्सा संस्थावां मांय 17 बडा निर्माण काम साथे केई विकास काम करवाया जावेला। बठीने राज्य सरकार री कानी सु राजस्थान मदरसा बोर्ड सु पंजीकृत मदरसां रा पढेसरियां ने हर एक ने दो जोड़ी स्कूल ड्रेस दी जावेली। इण योजनां तैत 2 लाख पढेसरियां ने 15 करोड़ रुपयां सु बत्ती लागत सु स्कूल ड्रेस दी जावेली।

000

प्रधानमंत्री नरेंद्र मोदी ने मिल्यां स्मृति चिन्हा आज ई—नीलामी आज सु आम जनता खातिर सरू व्हेगी है। बोलियां इन म्हीने री 31 तारीख ताई जारी रेवेळी। आं नीलामी सु भेळी रकम पवित्र गंगा नदी रे पुनर्जीवित करणे खातिर नमामि गंगे परियोजना ने दान कर दी जावेली। नीलामी रे इस 5 वें संस्करण मांय 100 रुपये सु लेर 65 लाख रुपयां ताई रा स्मृति चिन्ह ई—नीलामी खातिर उपलब्ध हैं। नुवी दिल्ली मांय नेशनल गैलरी ऑफ मॉडर्न आर्ट मांय ऐडा स्मृति चिन्हां री एक प्रदर्शनी रखीजी है। इण मांय 150 सु बत्ती उल्लेखनीय स्मृति चिन्ह हैं, जका देश री सांस्कृतिक झलक दिखावे है।